

97 Belgrado erano ussiti fuora et stati contra turchi, di qual ne hanno amazati molti, et tolliti una artelaria grossa che tirava 30 cavali; et che 'l Re adunava exercito, e non dubitava, essendo soccorso da i principi cristiani.

Noto: per Colegio fo scritto a Verona, volendo mandar fanti todeschi, li debbi obstar non passino, et cussì avisi Nicolò Barbero capitano dil lago di Garda non li lassi passar: *etiam* scritto.

Scurtinio di Provedador zeneral di Terraferma con ducati 120, con pena justa la parte.

Sier Antonio Justinian el dotor, fo consier, qu. sier Polo	101.100
Sier Batista Erizo, fo Consier, qu. sier Stephano	42.165
Sier Andrea Magno, capitano a Padoa, qu. sier Stephano	34.174
Sier Polo Nani, capitano a Bergamo, è apresso il Governador zeneral . .	62.144
Sier Polo Capelo el cavalier, savio dil Consejo	56.148
Sier Alvisè Barbaro, fo Cao dil Consejo di X, qu. sier Zacharia cavalier procurator	68.133
† Sier Hironimo da cha' da Pexaro, fo capitano a Padoa, qu. sier Benedeto procurator	118. 83
Sier Piero Lando, fo podestà a Padoa, qu. sier Zuane	34.170
Sier Justinian Morexini, fo savio a Terraferma, qu. sier Marco	62.140
Sier Marin Zorzi el dotor, podestà a Padoa, qu. sier Bernardo	44.141
Sier Nicolò Coppo, el Consier, qu. sier Giacomo	24.181
Sier Bortolamio Contarini, fo Consier, qu. sier Polo	73.127
Sier Alvisè Diedo, fo provedador a Rugo, qu. sier Francesco el dotor . .	52.155
Sier Alvisè Mocenigo el cavalier, fo provedador zeneral in campo	71.131
Sier Alvisè di Prioli, fo savio dil Consejo, qu. sier Piero procurator . .	31.164
Sier Carlo Contarini qu. sier Giacomo da San Agustin	21.178
Sier Zuan Vituri, fo provedador zeneral in la Patria dil Friul	72.134
Sier Andrea Trivixan el cavalier, fo savio	

I Diarii di M. SANUTO. — Tom. XXXI.

dil Consejo, qu. sier Tomà procurator	80.117
Sier Lucha Trun, fo Consier, qu. sier Antonio	38.161
Sier Lunardo Emo, fo podestà a Verona, qu. sier Zuan cavalier	71.135
Sier Domenego Contarini, fo provedador zeneral in campo, qu. sier Matio	65.133
Sier Piero da cha' da Pexaro, fo Cao dil Consejo di X, sier Nicolò	84.119

Noto. Eri morite sier Nicolò Contarini qu. sier Donado, da San Zane Polo, qual era di anni 60. Non havia fioli, homo molto misero, non havia pan, ojo, vin, legne nì altro in caxa, vivea a minuto, e *tamen* li fo trovato in cassa ducati 6000 d'oro; à bona intrada da ducati . . . Non fece testamento, e soe sorele haverà el tutto justa le leze di questa terra, con le qual sempre è stato in lite per la gran miseria sua.

A dì 2 la matina. Veneno in Colegio l'abadesa di Santa Chiara di Venexia, suor Anzola Boldù, vechia di anni 106, con 6 altre zentildonne monache Conventual de ditto monastero, insieme con maestro Zerman di frati Menori e altri soi parenti, con licentia del suo protetor reverendissimo cardinal Grimani; e ne l'intrar in Colegio dil Doxe, si dolse che per le monache Observanti non li era dato el suo viver e crepavano di fame, cossa da non poter suportar. El Doxe con li Consieri se dolseno assae, era li el vicario dil Patriarcha venuto apostata, *unde* el Doxe di voluntà di Consieri comesse questa cossa a suo fiol cardinal Grimani e al Patriarcha nostro, che dovesseno aldir e termenar come a loro aparerà.

Di Udene, fo letere di sier Vincenzo Capelo luogotenente di la Patria, date a dì 30. Con certi avisi de le cose di Hongaria auti di Goricia, et come el Re era in campagna con persone 50 milia; e altri avisi. De la qual nova el Colegio se la rise, essendo eri venuto al contrario, come ho scritto di sopra, et fo mandà per l'orator di Hongaria domino Philipppo More. Et venuto dito orator di Hongaria in Colegio, mostrò una letera li è stà scritta da un Prior di Laurana.

Noto: eri in Pregadi fu posto per li Savi, excepto sier Francesco Contarini savio a Terraferma, scriver una letera a l'Orator nostro in Spagna, bone parole, sicome in la letera se contien, da esser comunicata a la Catholica e Cesarea Maestà. *Item*, scriver a l'Orator nostro in Franza, con mandarli